

GARIS PANDUAN KEBENARAN PDA 3 – PERKHIDMATAN PENGANGKUTAN BAHAN PETROLEUM

1.0 TUJUAN

Garis Panduan ini disediakan untuk menjelaskan tatacara permohonan Kebenaran PDA bagi aktiviti menjalankan perkhidmatan pengangkutan bahan-bahan petroleum di Malaysia.

2.0 TAFSIRAN

2.1 Pengangkutan Bahan Petroleum:

- Pengangkutan : aktiviti mengangkut bahan petroleum dari satu tempat ke satu tempat tanpa melibatkan transaksi jualan.
- Kaedah : pemindahan bahan petroleum dari satu tempat ke satu tempat yang lain menggunakan mana-mana kenderaan yang didaftarkan untuk mengangkut bahan petroleum.

2.2 Permit Kenderaan:

- dokumen kebenaran atau keizinan untuk menjalankan sesuatu pengangkutan menggunakan kenderaan yang didaftarkan

2.3 Perjanjian Time Charter

- dokumen perjanjian penyewaan kapal antara Pemilik Kapal (*ship's owner*) dengan Penyewa (*charterer*) yang didasarkan kepada jangka waktu (lamanya penyewaan) yang dipersetujui bersama oleh kedua-dua belah pihak.

2.4 Bumiputera:

- Bumiputera ialah penduduk asal sesuatu tempat.

- menurut Perkara 153 dalam Perlembagaan Persekutuan, perlembagaan memberikan hak-hak istimewa kepada orang Melayu dan Bumiputera.

2.5 Modal berbayar:

- modal yang telah dibayar oleh pemegang saham syarikat.

2.6 Modal kerja:

- modal yang dikeluarkan bagi membiayai belian tunai.

2.7 Generasi kedua

- merupakan **anak kandung kepada pengusaha sedia ada** dan dibenarkan untuk pengecualian syarat ekuiti Bumiputera bagi perniagaan tersebut.

3.0 SYARAT-SYARAT AM PERMOHONAN BAHARU

3.1 Syarat –syarat am adalah seperti jadual di bawah:

Syarat	Perkhidmatan Pengangkutan Bahan-Bahan Petroleum
Minimum Modal Berbayar (Sdn. Bhd)	RM 100,000
Minimum Modal Kerja (Milikan Tunggal dan Perkongsian) <i>*seperti amaun yang tertera di dalam penyata akaun bank syarikat</i>	RM 50,000
Jenis Pemilikan	Perkongsian/Sendirian Berhad: - minimum pegangan ekuiti 30% Bumiputera.
Ekuiti Asing	TIDAK DIBENARKAN
Tempoh Kelulusan (Maksimum)	2 tahun (tertakluk kepada pertimbangan Kementerian)

- 3.2 Bagi syarikat milikan tunggal, permohonan pembaharuan Kebenaran PDA perkhidmatan pengangkutan bahan-bahan petroleum oleh generasi kedua **DIKECUALIKAN** daripada keperluan ekuiti Bumiputera.

4.0 TATACARA PERMOHONAN DAN MAKLUMAN AM

- 4.1 Pemohon dikehendaki mengemukakan permohonan baharu melalui atas talian di laman sesawang BLESS 2.0 (<https://bless2.bless.gov.my/bless2>) dan mengemukakan *hardcopy* dokumen-dokumen sokongan seperti senarai semak seperti butiran berikut:

- Manual tatacara permohonan BLESS 2.0 boleh didapati di pautan berikut:
<https://www.kpdnhep.gov.my/kpdnkk/wp-content/uploads/2017/12/BLESS-2.0-KPDNKK-PDA-R-2.pdf>
- Secara serahan tangan (di kaunter) atau melalui wakil syarikat pembekal minyak ke alamat berikut:

**Ketua Setiausaha
Kementerian Perdagangan Dalam Negeri
Dan Hal Ehwal Pengguna
Bahagian Perdagangan Dalam Negeri,
Aras 4 (Podium 1),
No.13, Persiaran Perdana, Presint 2,
62623 PUTRAJAYA**

- 4.2 Permohonan menerusi atas talian **TANPA PENGHANTARAN DOKUMEN *HARDCOPY*** secara serahan tangan (di kaunter) atau wakil syarikat pembekal minyak **TIDAK AKAN DIPROSES.**

- 4.3 Pemohon dinasihatkan untuk membuat salinan dokumen dan juga menyimpan dokumen tersebut bagi tujuan rekod.
- 4.4 Permohonan yang dikemukakan melebihi tempoh enam (6) bulan tanpa sebarang maklum balas daripada pemohon **DIANGGAP TERBATAL DENGAN SENDIRINYA**. Pemohon perlu membuat permohonan semula dan menghantar semula dokumen asal ke Kementerian.
- 4.5 Bagi permohonan pembaharuan, **kelewatan memperbaharui Kebenaran PDA melebihi satu (1) tahun** daripada tarikh tamat tempoh Kebenaran PDA menyebabkan Kebenaran PDA dengan sendirinya terbatal dan pemohon perlu mengemukakan permohonan baharu.

5.0 TEMPOH PROSES KELULUSAN

Permohonan baharu dan pembaharuan (tanpa sebarang pindaan maklumat) akan diproses dalam tempoh sepuluh (10) hari bekerja tertakluk kepada dokumen lengkap yang diterima Kementerian.

6.0 FEE DAN KAEDAH BAYARAN

Bayaran bagi Kebenaran PDA adalah RM25.00 untuk satu (1) tahun dengan kaedah pembayaran secara atas talian (*online*) menggunakan portal Maybank2U.

7.0 PENYERAHAN KEBENARAN PDA

- 7.1 Bahagian ini akan mengeluarkan **pemakluman secara e-mel** kepada pemohon setelah Kebenaran PDA sedia untuk diambil. Pemakluman *Licence Collection and Payment* di dalam sistem

BLESS tidak boleh digunakan untuk membuat pembayaran dan pengambilan Kebenaran PDA di kaunter.

7.2 Berikut merupakan kaedah pengambilan Kebenaran PDA yang dibenarkan:

- **Serahan di kaunter**

i) Permohonan baharu

- Hanya pemilik atau pemegang saham syarikat dibenarkan untuk mengambil Kebenaran PDA

i) Permohonan pembaharuan

- Pemilik atau pemegang saham syarikat dibenarkan untuk mengambil Kebenaran PDA
- Wakil syarikat perlu mengemukakan surat wakil (dokumen asal) beserta salinan kad pengenalan wakil untuk mengambil Kebenaran PDA

- **Melalui wakil sah yang dilantik syarikat pembekal minyak.**

7.3 Kebenaran PDA yang telah siap hendaklah dituntut oleh pemohon dalam tempoh **30 hari** daripada tarikh pemakluman dibuat atau Kebenaran PDA boleh **dibatalkan kerana tidak dituntut**.

8.0 KEPERLUAN NAZIRAN

Kementerian berhak melaksanakan naziran ke atas syarikat pada bila-bila masa tertakluk kepada keperluan.

9.0 SENARAI SEMAK

9.1 Permohonan baharu Kebenaran PDA bagi menjalankan perkhidmatan pengangkutan bahan-bahan petroleum

BIL.	DOKUMEN
1	<p><u>Syarikat Sendirian Berhad</u> Cetakan penuh maklumat syarikat (SSM) yang terkini (tiga (3) bulan daripada tarikh permohonan).</p> <p><u>Milikan Tunggal/ Perkongsian</u></p> <p>1. Sabah Salinan Borang B beserta maklumat pemilik yang terkini–Pendaftaran Perniagaan</p> <p>2. Sarawak a) Salinan Borang I (Seksyen 5, 23, dan 24(2)) - Form 1 b) Cabutan Pendaftaran Nama-Nama Perniagaan terkini</p> <p><u>Koperasi/ Pendaftaran/ Pertubuhan</u> Salinan terkini Sijil Pendaftar Koperasi/ Perakuan Pendaftar Persatuan/ Pertubuhan beserta butiran maklumat pemilik/ ahli Lembaga Pengarah.</p>
2	<p>Surat sokongan syarikat pembekal yang ASAL & TERKINI (enam (6) bulan daripada tarikh surat sokongan dikeluarkan) yang dialamatkan kepada Ketua Setiausaha, KPDNHEP. Surat sokongan tersebut perlu menyatakan:</p> <ul style="list-style-type: none">a) alamat premis perniagaan adalah SAMA dengan alamat di Lesen PBT;b) menyatakan dengan jelas Kebenaran dan aktiviti yang dimohon;c) bahan petroleum dan kawasan edaran;d) syor tempoh kelulusan Kebenaran PDA; dane) ditandatangani oleh penandatangan yang SAH (<i>authorized signature</i>) syarikat pembekal.
3	<p>Penyata akaun bank (<i>bank statement</i>) bagi satu (1) bulan TERKINI atas nama syarikat (<i>trade name</i>) dengan baki tidak kurang RM100,000 bagi syarikat Sendirian Berhad dan RM50,000 bagi milikan tunggal dan perkongsian.</p>

4	Salinan Lesen Perniagaan daripada Pihak Berkuasa Tempatan (PBT)/ Surat Kebenaran daripada PBT yang masih sah.
5	Permit/ Pendaftaran/ Salinan Perjanjian Lori/ Kapal/ Barge yang masih berkuatkuasa .

9.2 Permohonan pembaharuan Kebenaran PDA bagi menjalankan perkhidmatan pengangkutan bahan-bahan petroleum

BIL.	DOKUMEN
1	Borang Permohonan Pembaharuan Kebenaran PDA 3 (PDA 3-RENEW 2020) yang lengkap diisi
2	Salinan Kebenaran PDA dan lampiran pemegang saham yang dikeluarkan bersama Kebenaran PDA
3	<p><u>Syarikat Sendirian Berhad</u> Cetakan penuh maklumat syarikat (SSM) yang terkini (tiga (3) bulan daripada tarikh permohonan).</p> <p><u>Milikan Tunggal/ Perkongsian</u></p> <p>1. Sabah Salinan Borang B beserta maklumat pemilik yang terkini–Pendaftaran Perniagaan</p> <p>2. Sarawak a) Salinan Borang I (Seksyen 5, 23, dan 24(2)) - Form 1 b) Cabutan Pendaftaran Nama-Nama Perniagaan terkini</p> <p><u>Koperasi/ Pendaftaran/ Pertubuhan</u> Salinan terkini Sijil Pendaftar Koperasi/ Perakuan Pendaftar Persatuan/ Pertubuhan beserta butiran maklumat pemilik/ ahli Lembaga Pengarah.</p>
4	<p>Surat sokongan syarikat pembekal yang ASAL & TERKINI (6 bulan daripada tarikh surat sokongan dikeluarkan) yang dialamatkan kepada Ketua Setiausaha, KPDNHEP. Surat sokongan tersebut perlu menyatakan:</p> <p>a) alamat premis perniagaan adalah SAMA dengan alamat di Lesen PBT;</p> <p>b) menyatakan dengan jelas Kebenaran dan aktiviti yang dimohon;</p>

	c) bahan petroleum dan kawasan edaran; d) syor tempoh kelulusan Kebenaran PDA; dan e) ditandatangani oleh penandatangan yang SAH (<i>authorized signature</i>) syarikat pembekal.
5	Penyata akaun bank (<i>bank statement</i>) bagi satu (1) bulan TERKINI atas nama syarikat (<i>trade name</i>) dengan baki tidak kurang RM100,000 bagi syarikat Sendirian Berhad dan RM50,000 bagi milikan tunggal dan perkongsian.
6	Penyata Untung Rugi / Penyata LHDN (atas nama syarikat) untuk dua (2) tahun: a) Milikan tunggal/Perkongsian: Dokumen telah diaku terima oleh Pesuruhjaya Sumpah b) Sendirian Berhad: Telah diaudit oleh Akauntan bertauliah (MIA/ACCA/CA/CPA/CIMA)
7	Salinan Lesen Perniagaan daripada Pihak Berkuasa Tempatan/ Surat Kebenaran daripada Pihak Berkuasa Tempatan yang masih sah.
8	Permit/ Pendaftaran/ Salinan Perjanjian Lori/ Kapal/ Barge yang masih berkuatkuasa .

10.0 SYARAT-SYARAT KEBENARAN PDA

10.1 Kebenaran PDA ini tidak boleh dipindah milik tanpa kebenaran daripada KPDNHEP;

10.2 Kebenaran PDA ini hendaklah dipamerkan dengan jelas di premis perniagaan yang telah diluluskan;

10.3 Pemegang Kebenaran PDA ini perlu mendapatkan kelulusan KPDNHEP sebelum membuat sebarang pindaan mana-mana bahagian atau melakukan sebarang perubahan di dalam struktur syarikat sama ada dari segi ekuiti, lembaga pengarah, hak milik, pembekal, dan sebagainya;

- 10.4 Pemegang Kebenaran PDA ini perlu mengemukakan permohonan pembaharuan kebenaran PDA, 3 bulan sebelum tarikh tempoh tamat;
- 10.5 Pemegang Kebenaran PDA ini diwajibkan mematuhi semua syarat Kebenaran PDA yang ditetapkan dari semasa ke semasa oleh KPDNHEP dan mematuhi mana-mana undang-undang di Malaysia dan tidak menjalankan aktiviti-aktiviti yang bertentangan dengan mana-mana undang-undang itu;
- 10.6 Pemegang Kebenaran PDA ini perlu mengemukakan dengan lengkap dan tepat apa-apa maklumat penjelasan yang diminta oleh KPDNHEP;
- 10.7 Kebenaran PDA ini akan dibatalkan apabila ada pelanggaran mana-mana syarat-syarat di atas atau peruntukan-peruntukan di bawah Akta Kemajuan Petroleum 1974 atau mana-mana perundangan kecil dibawahnya atau mana-mana undang-undang yang berkuatkuasa di Malaysia; dan
- 10.8 Pemegang Kebenaran PDA ini tidak akan mengambil apa-apa tindakan undang-undang atau menuntut ganti rugi dari mana-mana pihak sekiranya Kebenaran PDA tidak diperbaharui atau dilanjutkan atas sebab-sebab kecuaiian dan kegagalan pemegang Kebenaran sendiri.

11.0 CARTA ALIR

